

Dragana Knežević; i Amel Mekić; najbolji su sportisti Bosne i Hercegovine u 2011. godini

14/12/2011 22:39 by Administrator

Rukometašica Dragana Knežević i džudista Amel Mekić najbolji su sportisti Bosne i Hercegovine u 2011. godini, odlučio je žiri 11. Izbor najboljeg sportiste BiH kojeg organizuju "Nezavisne novine" i Radio-televizija BiH a pod pokroviteljstvom predsjedavajućeg Predsjedništva BiH Željka Komarića i uz partnerstvo Olimpijskog komiteta BiH.

Svečana manifestacija koja je ujedno bila i završni pečat ovogodišnjeg izbora, održana je u srijedu uveče u prepunoj Kongresnoj dvorani hotela "Holidej In" u Sarajevu a zvijezde večeri su bili nagrađeni sportisti naše zemlje koji su dobili veliki aplauz od brojnih gostiju, predstavnika političkog, kulturnog i javnog života naše zemlje.

Konkurencija Mekiću su bili rukometaš Danijel Arić, fudbaler Edin Džeko, atletičar Hamza Alić i košarkaš Mirza Teletović a stručni žiri je na posljednjoj sjednici održanoj nekoliko časova uoči manifestacije, odlučio da to bude džudista koji je ove godine sa Evropskog prvenstva u Istanbul donio zlatnu medalju.

Tim poduhvatom Mekić je svoje ime upisao u istoriju kao treći sportista iz BiH sa zlatom sa EP. Prije njega to su činili samo bacač kugle Zlatan Saračević i bokser Marjan Beneš. Pored ovog uspjeha Mekić ima još nekoliko sjajnih rezultata a treba naglasiti da je on već siguran putnik na Olimpijske igre u Londonu naredne godine.

"Ovu godinu ću zaista pamtiti kao veoma lijepu i uspješnu u mojoj karijeri. Postao sam evropski šampion i zaista je teško opisati kako sam se osjećao u tim trenucima. Te momente nikada neću zaboraviti. Sjajni rezultati ponovo su me doveli u konkurenciju za najboljeg sportistu, što je velika čast i zadovoljstvo. Ovakva priznanja na kraju godine zaista vas motivišu da i u narednoj date sve od sebe kako bi postizali još bolje rezultate", rekao je Mekić.

Dragana Knežević je ovo treći put da je ušla među pet najboljih sportistkinja BiH. Konkurencija su joj bile odbojkašica Sandra Mitrović, stonoteniserka Emina Hadžiahmetović, atletičarka Biljana Cvijanović i fudbalerka Amela Krajić.

Jedna od najboljih rukometašica BiH u posljednjih pet godina koja sa svojim Borcem gospodari rukometnim terenima u našoj zemlji je dobila jednoglasnu podršku žirija.

"Iskreno nisam očekivala da ću biti izabrana ali srećna sam naravno jer ovo je velika čast i mogu da obećam da ću nastaviti u istom smjeru. Kad dobijete ovakvu nagradu onda znate da su se svi oni slini i zamorni treninzi i utakmice isplatili", kazala je Kneževićeva koja je sa Borcem u posljednjih pet godina osvojila pet šampionskih titula zaredom, a četiri puta je uzela Kup BiH.

Pored ove dvije, nagrade su dodijeljene u još 10 kategorija. Žiri kojim je ove godine predsjedavao legenda bh. fudbala Dušan Bajević za najboljeg trenera je izabrao Branislava Crnogorca, selektora i trenera naših trofejnih džudista a epitet najbolje ekipe u godini na izmaku je pripao fudbalskoj reprezentaciji BiH kojoj je malo nedostajalo da izbori «EURO 2012».

Da BiH ima dobru sportsku budućnost dokazali su karatistkinja Tina Marić i kuglač Nemanja Galić. Zlatna sa Svjetskog i Evropskog prvenstva za kadetkinje Marićeva je izabrana za najperspektivniju sportistkinju dok je Galić, bronzani sa kadetskog Svjetskog prvenstva, najperspektivniji sportista u 2011. godini.

Nagrada za fer-plej je u rukama Mladena Žižovića, fudbalera Zrinjskog koji je prvi priskočio u pomoć igraču Veleža Bajri Spahiću spasi ga od razularenih huligana tako što mu je dao svoj dres i sakrio ga na klupi

Zrinjskog.

Anto Dafinić i Branimir Jelušić su u svoj život utkali sport i ostavili neizbrisiv trag i oni su ove godine dobili nagrade za životno djelo, a nagrada za razvoj sporta zbog nemjerljivog doprinosa spasavanju bh. fudbala koji je bio pred ponorom, dodijeljena je Ivici Osimu.

Ismet Godinjak, član reprezentacije BiH u sjedećoj odbojci proglašen je za najboljeg sportistu u sportu za invalide, a reprezentacija BiH u sjedećoj odbojci po deseti put je dobila nagradu za najbolju ekipu u sportu za invalide jer je po sedmi put postala šampion Evrope.

Džeko najpopularniji

Novoustanovljena Nagrada publike o kojoj su odlučivali posjetioci portala www.nezavisne.com otkriveno je oticala u ruke fudbaleru Edinu Džeku.

Napada fudbalske reprezentacije naše zemlje i engleskog Manchester Cityja već odavno je najpoznatiji sportista sa ovih prostora za kojeg su u ovom trenutku glasovali u svim krajevima svijeta. U konkurenciji sa još devet vrhunskih sportista iz BiH, poput Danijela Arića, Amela Mekića, Mirze Teletović, Dragane Knežević, Sandre Mirović... Džeko je osvojio skoro polovinu glasova a već nakon prvih nekoliko dana glasanja moglo se naslutiti ko je osvojio srca navijača. "Bh. dijamant" kako ga od milja zovu navijači, bio je u konstatnom vodstvu do zaključenja glasanja, 10. decembra.

Pedeset godina besplatnog zimovanja

Dragana Knežević i Amel Mekić, najbolji sportisti za 2011. godinu, su pored zlatnih statua i novčane nagrade od po 2.000 KM, dobili i vrijedan poklon kompanije "Fis" iz Viteza. U pitanju je TIME SHERING, sedam dana godišnje, narednih pedeset godina, boravak u moderno opremljenim apartmanima uz korištenje bogato opremljenog kompleksa "Eko Fisa" na planini Vlašić.

SVI DOBITNICI

2001. GODINA

NAJBOLJI SPORTISTA

Hasan Salihović (fudbal)

2002. GODINA

NAJBOLJI SPORTISTA

Denis Muhović (karate)

2003. GODINA

NAJBOLJI SPORTISTA

Lejla Ferhatbegović (karate)

2004. GODINA

NAJBOLJI SPORTISTA

Šor'e Paštar (kuglanje)

2005. GODINA

NAJBOLJI SPORTISTA

Markica Dodig (bojanje)

BLUSRCU.BA - Stranica za sve banjalučane sirom svijeta!

<http://blusrcu.ba>

2006. GODINA

NAJBOLJI SPORTISTA

Enid Tahirović (rukomet)

2007. GODINA

NAJBOLJI SPORTISTA

Markica Dodig (boćanje)

NAJBOLJA SPORTISTKINJA

Arnela Odaković (karate)

2008. GODINA

NAJBOLJI SPORTISTA

Memnun Hadžić (boks)

NAJBOLJA SPORTISTKINJA

Lusija Kimani (atletika)

2009. GODINA

NAJBOLJI SPORTISTA

Edin Džeko (fudbal)

NAJBOLJA SPORTISTKINJA

Larisa Cerić (džudo)

2010. GODINA

NAJBOLJI SPORTISTA

Nermin Potur (karate)

NAJBOLJA SPORTISTKINJA

Larisa Cerić (džudo)

2011. GODINA

NAJBOLJI SPORTISTA

Amel Mekić (džudo)

NAJBOLJA SPORTISTKINJA

Dragana Knežević (rukomet)

Izvor vijesti: SportCentar